

Quia vidimus mirabilia hodie. **Credo.**

**Offertorium. Ps. 145.** Laudabo ánima mea Dóminum: laudabo Dóminum in vita mea: psallam Deo meo quámdiu ero, allelúja.

**Secreta.**

**S**acrificia, Dómine, tuis oblata conspéctibus, ignis ille divinus absúmat, qui discipulorum Christi Filii tui per Spiritum Sanctum corda succéndit. Per eúdem Dóminum . . . in unitate ejúdem Spiritus Sancti Deus.

**Alia Secreta.** Prótege nos. **vel** Oblátis. **pag.** 55.

**Communio. Joań. 14.** Non vos relinqvam órphanos: véniam ad vos iterum, allelúja: et gaudébit cor vestrum, allelúja.

**Postcommunio.**

**S**úmpsimus, Dómine, sacri dona mystérii: humíliter deprecánte; ut quæ in tui commemoratióne nos fácere præcepisti, in nostræ proficiant infirmitátis auxiliú: Qui vivis et régnas.

**Altera Postcommunio.** Quæsumus Dómine. **vel** Hæc nos. **pag.** 56.

**Sabbato**

**Quatuor Temporum.**

**¶** Replétisunt omnes Spiritu Sancto, allelúja. **R.** Et cœperunt loqui, allelúja.

**Pater noster. secreto.**

**¶** Et ne nos indúcas in tentatióne. **R.** Sed libera nos a malo.

**Absol. A** vinculis peccatorum nostrorum absólvat nos omnipotens et miséricors Dóminus. **R.** Amen.

**¶** Jube domne benedicere.

**Bened. Evangélica** léctio sit nobis salus et protéctio.

**R.** Amen.

Léctio sancti Evangélii secúndum Lucam.

**Lectio i. Cap. 4. g.**

**I**n illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus. Et reliqua.

**Homilia** sancti Ambrósii Episcopi.

**Lib. 4. in cap. 4. Lucæ, sub fin.**

**V**ide cleméntiam Dómini Salvatoris: nec indignatióne comóutus, nec scélere offensus, nec injúria violátus Judæam déserit: quin étiam immemor injúriæ, memor cleméntiæ, nunc docéndo, nunc liberándo, nunc sa-

nándo, infidæ plebis corda demúlcet. Et bene sanctus Lucas virum ab spiritu nequitæ liberátum ante præmisit, et subdit féminæ sanitátem. Utrúmque enim sexum Dóminus curáturus advénerat: sed prior sanári débuit, qui prior créatus est; nec prætermítti illa, quæ mobilitate magis animi, quam pravitate peccaverat.

**R.** Replétisunt omnes Spiritu Sancto, et cœperunt loqui, prout Spiritus Sanctus dabat éloqui illis: \* Et convénit multitúdo dicéntium, allelúja. **¶** Loquebantur váriis linguis Apóstoli magnália Dei. Et convénit multitúdo dicéntium, allelúja.

**¶** Jube domne benedicere.

**Bened.** Divinum auxiliú maneát semper nobiscum. **R.** Amen.

**Lectio ii.**

**S**abbato medicínæ Domínice ópera cœpta significat, ut inde nova creatúra cœperit, ubi vetus creatúra ante desívit: nec sub lege esse Dei Filium, sed supra legem in ipso principio designáret: nec solvi legem, sed impléri. Neque enim per legem, sed verbo factus est mundus, sicut légimus:

Verbo Dómini coeli firmáti sunt. Non sólvitur ergo lex, sed implétur: ut fiat renovatió hóminis jam labéntis. Unde et Apóstolus ait: Exspoliánte vos vétorem hóminem, indúite novum, qui secúndum Deum créatus est.

**R.** Jam non dicam vos servos, sed amicos meos: quia ómnia cognovistis, quæ operátus sum in médio vestri, allelúja: \* Accípíte Spiritum Sanctum in vobis Paráclitum: ille est, quem Pater mittet vobis, allelúja. **¶** Vos amici mei estis, si fecéritis quæ ego præcipio vobis. Accípíte Spiritum Sanctum in vobis Paráclitum: ille est, quem Pater mittet vobis, allelúja.

**Glória** Patri, et Filio, et Spiritui Sancto. Accípíte Spiritum Sanctum in vobis Paráclitum: ille est, quem Pater mittet vobis, allelúja. **¶** Jube, domne, benedicere.

**Bened.** Ad societátem civium supernorum perdúcat nos Rex Angelórum.

**R.** Amen.

**Lectio iii.**

**E**t bene sabbato cœpit, ut ipsum se osténderet Creatórem, qui ópera operibus intéxeret, et prosequerétur opus, quod ipse

jam cœperat: ut si domum faber renovare dispōnat, non a fundamentis, sed a culminibus incipit solvere vetustatem. Itaque ibi prius manum admovet, ubi ante desiderat: deinde a minoribus incipit, ut ad majora perveniat. Liberare a dæmone et homines, sed in verbo Dei possunt: resurrectionem mortuis imperare, divinæ solius est potestatis. Fortassis etiam in typo mulieris illius socrus Simónis et Andréæ, variis criminum febribus caro nostra languēbat et diversarum cupiditatum immōdicis æstuābat illcebris. Nec minorem febrem amoris esse dixerim, quam calorīs. Itaque illa animum, hæc corpus inflāmat. Febris enim nostra, avaritia est: febris nostra, libido est: febris nostra, luxuria est: febris nostra, ambitio est: febris nostra, iracundia est.

Te Deum laudamus. 20.

**Ad Bened. Ant.** Caritas Dei \* diffusa est in cordibus nostris, per inhabitantem Spiritum ejus in nobis, allelūja.

**Orémus. Oratio.**

**M**entibus nostris, quæsumus Dōmine, Spiritum Sanctum benignus in-

funde: cujus et sapiētia cōnditi sumus, et providētia gubernāmur. Per Dōminum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus, per omnia sæcula sæculōrum.

**R.** Amen.

**Ad Missam.**

Statio ad S. Petrum.

**Introitus. Rom. 5.**

**C**aritas Dei diffusa est in cordibus nostris, allelūja: per inhabitantem Spiritum ejus in nobis, allelūja, allelūja.

**Ps. 102.** Benedic anima mea Dōmino: et omnia que intra me sunt, nōmini sancto ejus. **V.** Glōria Patri.

**Post Kyrice eléison. dicitur Orémus. tantum, sine Flectāmus genua. et similiter ad Oraciones sequi.**

**Oratio.**

**M**entibus nostris, quæsumus Dōmine, Spiritum Sanctum benignus infunde, cujus et sapiētia cōnditi sumus, et providētia gubernāmur. Per Dōminum . . . in unitate ejusdem Spiritus Sancti Deus.

**Lectio Joëlis Prophætæ.**

**Joël. 2. f.**

**H**æc dicit Dōminus Deus: Effundam Spiritum meum super omnem carnem: et prophetabunt filii vestri, et filia vestra: senes vestri sōmnia somniabunt, et juvenes vestri visiones videbunt. Sed et super servos meos, et ancillas in diebus illis effundam Spiritum meum. Et dabo prodigia in cœlo, et in terra, sanguinem, et ignem, et vaporem fumi. Sol convertetur in tenebras, et luna in sanguinem: antequam veniat dies Dōmini magnus, et horribilis. Et erit: Omnis qui invocaverit nomen Dōmini, salvus erit.

**Allelūja. V. Joān. 6.** Spiritus est qui vivificat: caro autem non prodest quidquam.

**Orémus. Oratio.**

**I**llo nos igne, quæsumus Dōmine, Spiritus Sanctus inflāmet: quem Dōminus noster Jesus Christus misit in terram, et voluit vehementer accēdi: Qui tecum vivit et regnat in unitate ejusdem Spiritus Sancti Deus.

**Lectio libri Levitici.**

**Levit. 23. b.**

**I**n diebus illis: Locutus est Dōminus ad Mōysen,

dicens: Lōquere filiis Israēl, et dices ad eos: Cum ingressi fueritis terram, quam ego dabo vobis, et messueritis segetem, feretis manipulos spicarum, primitias messis vestrae ad sacerdotem: qui elevabit fasciculum coram Dōmino, ut acceptabile sit pro vobis, altero die sabbati, et sanctificabit illum. Numerabitis ergo ab altero die sabbati, in quo obtulistis manipulum primitiarum, septem hebdomadas plenas usque ad alteram diem expletionis hebdomadae septimæ, id est, quinquaginta dies: et sic offeretis sacrificium novum Dōmino ex omnibus habitaculis vestris, panes primitiarum duos de duabus decimis similæ fermentatæ, quos coquetis in primitias Dōmini. Et vocabitis hunc diem celeberrimum atque sanctissimum: omne opus servile non facietis in eo. Legitimum sempiternum erit in cunctis habitaculis, et generationibus vestris: dicit Dōminus omnipotens.

**Allelūja. V. Job 26.** Spiritus ejus ornavit cœlos.

**Orémus. Oratio.**

**D**eus, qui ad animarum medelam, jejūni devotione castigari corpora præ-

cepisti: concède nobis propitius; et mente, et corpore tibi semper esse devotos. Per Dóminum.

Lectio libri Deuteronomii.

Deut. 26.

**I**N diébus illis: Dixit Móyses filiis Israël: Audi Israël quæ ego præcipio tibi hódie. Cum intráveris terram, quam Dóminus Deus tuus tibi daturus est possidéndam, et obtinúeris eam, atque habitáveris in ea: tolles de cunctis frúgibus tuis primitias, et pones in cartallo, pergésque ad locum, quem Dóminus Deus tuus elegerit, ut ibi invocétur nomen ejus: accedésque ad sacerdotem, qui fúerit in diébus illis, et dices ad eum: Profíteor hódie coram Dómino Deo tuo, qui exaudivit nos, et respéxit humilitatem nostram, et labórem, atque angústiam: et edúxit nos de Ægýpto in manu forti, et bráchio exténto, in ingénti pavóre, in signis atque porténtis: et introduxit ad locum istum, et tradidit nobis terram lacte et melle manántem. Et idcirco nunc offero primitias frugum terræ, quam Dóminus dedit mihi. Et dimittes eas in conspéctu Dómini Dei tui: et adoráto Dómino Deo tuo. Et epuláberis in omni-

bus bonis, quæ Dóminus Deus tuus déderit tibi.

Allelúja. *¶ Act. 2.* Cum compleréntur dies Pentecóstes, erant omnes páriter sedéntes.

Orémus. *Oratio.*

**P**ræsta, quæsumus omnipotens Deus: ut salutaribus jejúniis erudíti, ab omnibus étiam vítiis abstinentes, propitiatióem tuam facilius impetrémus. Per Dóminum nostrum.

Lectio libri Levitici.

Levit. 26.

**I**N diébus illis: Dixit Dóminus ad Móysen: Lóquere filiis Israël, et dices ad eos: Si in præcéptis meis ambulavéritis, et mandáta mea custodiéritis, et fecéritis ea, dabo vobis plúvias temporibus suis, et terra gignet germen suum, et pomis árbores replebúntur. Apprehéndet méssium tritúra vindémiam, et vindémia occupábit seméntem: et comedétiis panem vestrum in saturitáte, et absque pavóre habitábitis in terra vestra. Dabo pacem in finibus vestris: dormiétis, et non erit qui extérreat. Auferam malas béstias, et gládius non transibit términos vestros. Persequémini inimicos vestros, et corrúent coram vobis. Persequéntur quinque

de vestris centum aliénos, et centum de vobis decem millia: cadent inimici vestri gládio in conspéctu vestro. Respiciam vos: et crêscere faciám: multiplicabimini, et firmábo pactum meum vobiscum. Comedétiis vetustissima véterum, et vétera novis superveniéntibus projiciétis. Ponam tabernaculum meum in médio vestri, et non abjiciet vos ánima mea. Ambulábo inter vos, et ero Deus vester, vosque éritis pópulus meus: dicit Dóminus omnipotens.

Allelúja.

*Hic genuflectitur. ¶* Veni Sancte Spiritus, reple tuórum corda fidélium: et tui amoris in eis ignem accénde.

Orémus. *Oratio.*

**P**ræsta, quæsumus omnipotens Deus: sic nos ab épulis carnálibus abstinére; ut a vítiis irruéntibus páriter jejunémus. Per Dóminum nostrum.

Lectio Daniélis Prophétæ.

Dan. 3. c.

**I**N diébus illis: Angelus Dómini descéndit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super

fornácem cúbitis quadraginta novem: et erúpit, et incéndit quos réperit juxta fornácem de Chaldæis ministris regis, qui eam incendébant. Et non tétigit eos omnino ignis, neque contristávit, nec quidquam moléstia intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

*Hic non respondetur* Deo grátias.

Allelúja. *¶ Ibid.* Benedictus es, Dómine Deus patrum nostrórum, et laudábilis in sæcula.

*Finito Versu dicitur* Glória in excelsis.

*Deinde ¶.* Dóminus vobiscum. *R.* Et cum spíritu tuo.

Orémus. *Oratio.*

**D**eus, qui tribus púeris mitigásti flammam ignis: concède propitius; ut nos fámulos tuos non exúrat flamma vitiorum. Per Dóminum.

*Secunda Oratio.*

**E**cclésiæ tuæ, quæsumus Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum nostrum.

## Vel pro Papa.

## Oratio.

**D**eus, ómnium fidélium pastor et rector, fámulum tuum **N.** quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnam. Per Dóminum nostrum.

Léctio Epistolæ beáti Pauli Apóstoli ad Romános.

## Rom. 5.

**F**rateres: Justificáti ex fide, pacem habeamus ad Deum per Dóminum nostrum Jesum Christum: per quem et habemus accessum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operátur, patiéntia autem probatióem, probatio vero spem, spes autem non confúndit: quia caritas Dei diffúsa est in córdibus nostris per Spíritum Sanctum, qui datus est nobis.

**Tractus. Ps. 116.** Laudáte Dóminum omnes gentes: et collaudáte eum omnes pópuli. **¶** Quóniam confir-

máta est super nos misericórdia ejus: et véritas Dómini manet in ætérnum.

**Sequentia. Veni Sancte Spiritus. ut supra in Dominica. pag. 34. sed in fine non dicitur Allelúja.**

✠ **Sequentia sancti Evangelii secundum Lucam.**

## Luc. 4. f.

**I**n illo témpore: Surgens Jesus de synagóga, introivit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimisit illam. Et continuo surgens, ministrábat illis. Cum autem sol occidisset, omnes qui habébant infirmos váriis languóribus, ducébant illos ad eum. At ille singulis manus impónens, curábat eos. Exfíbant autem dæmónia a multis, clamántia, et dicéntia: Quia tu es Filius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désértum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et aliis civitatibus oportet me evangelizáre regnum Dei: quia ideo missus sum. Et

erat prædicans in synagógis Galilææ.

**Credo.**

**Offertorium. Ps. 87.** Dómine Deus salutis meæ, in die clamávi et nocte coram te: intret orátio mea in conspéctu tuo, Dómine, allel.

## Secreta.

**U**t accépta tibi sint, Dómine, nostra jejúnia: præsta nobis, quæsumus; hujus múnere sacraménti purificátum tibi pectus offerre. Per Dóminum.

## Altera Secreta.

**P**rótege nos, Dómine, tuis mystériis serviéntes: ut divinis rebus inhæréntes, et córpore tibi famulémur, et mente. Per Dóminum.

## Vel pro Papa.

## Secreta.

**O**blátis, quæsumus Dómine, placáre munéribus: et fámulum tuum **N.** quem pastórem Ecclesiæ tuæ præesse voluisti, assídua protectiõe guberná. Per Dóminum nostrum.

**Communio. Joań. 3.** Spíritus ubi vult spirat: et vo-

cem ejus audis, allelúja, allelúja: sed nescis unde veniat, aut quo vadat, allelúja, allelúja, allelúja.

## Postcommunio.

**P**ræbeant nobis, Dómine, divínium tua sancta fervórem: quo eórum páriter et actu delectémur, et fructu. Per Dóminum nostrum.

## Altera Postcommunio.

**Q**uæsumus, Dómine Deus noster: ut, quos divína tribuis participatiõe gaudére, humánis non sinas subjacére periculis. Per Dóminum nostrum.

## Vel pro Papa.

## Postcommunio.

**H**æc nos, quæsumus Dómine, divini sacraménti percéptio prótegat: et fámulum tuum **N.** quem pastórem Ecclesiæ tuæ præesse voluisti; una cum commisso sibi grege, salvet semper, et múniat. Per Dóminum nostrum.

¶ **Post Missam expirat tempus Paschale.**

